

宏濟堂醫書叢刊



宏濟堂醫書叢刊卷之四

陳少江校定

砭法

治丹毒疔瘡紅絲走散或時毒瘀血壅盛用細磁器擊碎取有鋒芒者一塊以箸一根劈開夾住以線縛定兩手指輕撮箸尾令磁鋒正對患處約懸寸許再用箸一根頻敲使磁鋒刺肉毒血遇刺皆出毒自減輕若毒氣入腹膨脹者難治

騎竹馬灸法

治一切癰疽無有不愈

其法令病人以手肘憑几正坐男左女右將手臂豎起要直即用竹篾一條自臂腕中曲處橫紋間量起貼肉直上至中指尖處盡截斷爲度不量指甲另用竹扛一條令病人脫衣正身騎定前後兩人扛起病者

脚不着地須定勿令偃僂却將量臂竹篾從竹扛上尾骶骨坐處直貼脊背量至篾盡處用墨點記之此取中之處非灸穴也更用薄篾量男左女右手中指節兩橫紋處截爲同身寸法將此寸篾卽安前脊中點記處兩邊各開一寸盡處卽是灸穴各灸五七壯疽發於左則灸右發右灸左兩邊俱有左右皆灸此穴乃心脈所過之處凡癰疽原因皆屬心火留滯灸此則心火流通毒自消散起死回生試無不驗

附子餅灸法

法潰瘍氣血俱虛不能收斂或風寒襲入以致氣血不能運行皆令不斂用炮附去皮臍研末以唾津和爲餅置瘡上將艾壯從餅上灸之每日數壯但令微熱勿令痛餅乾再用唾津調潤以瘡口活潤爲度

木香餅熨法

一切氣滯結腫或痛或閃胸及風寒所傷作痛者并效木香五錢

生地

一兩

先杵木香爲末更杵地作膏二味和勻量患大小作餅置腫處以

熨斗熨之

香附餅熨法

治瘰癧流注腫塊或風寒襲於經絡結腫作痛用香附爲

末酒和量瘡大小作餅覆患處以熱熨斗熨之未成可消已成潰風

寒濕毒用薑汁作餅不用酒

豆豉餅灸法

癰疽發背已潰未潰用江西淡豆豉爲末量瘡大小黃酒合作餅厚三分置患處灸之餅乾再易如已有瘡孔勿覆孔上四布豉餅列艾灸之使微熱勿令肉破如熱痛急易之日灸三度令瘡孔出汗卽瘥

黃蠟灸法

凡癰疽發背頑惡諸瘡先以濕麪隨腫作圈高寸餘實貼皮上如井口形勿令滲漏圈外圍布數重防火氣烘膚圈內鋪蠟屑三四分厚次以銅漏杓盛桑木炭火懸蠟上烘之令蠟化至滾再添蠟屑隨添以滿爲度皮不痛者毒淺灸至知痛爲度皮痛者毒深灸至不知痛爲度去火杓卽噴冷水少許於蠟上俟冷起蠟蠟底之色青黑色者毒出之徵也如漫腫無頭者亦以濕紙試之卽於先乾處灸之初起者一二次卽消已成者二三次卽潰瘡久潰不斂四圍頑硬者卽於瘡上灸之蠟從孔入硬瘡卽化

癰疽針法

經云癰氣之癰者當以針開去之又云鍼針末如鋒銳以取大膿其輕重疾徐自有一定在人心度量用之不可妄施蓋皮薄針深反傷好肉

肉厚針淺毒又難出大抵腫高而軟者在肌肉針四五分腫下而堅者在筋脈針六七分腫平肉色不變者附於骨也宜針寸許若毒生背腹肋脅等處宜扁針斜入以防透膜針既達膿所視瘡口必有膿意如珠斯時欲大開口則將針斜出欲小開口則將針直出所謂逆而奪之順而取之也隨以綿紙撚蘸元珠膏度使膿會齊二三時將撚取出瘡口貼太乙膏四圍敷烏龍膏元氣虛者必先補而後針膿一出則諸証悉退 再者用針自有其時不可太早亦不可太遲如十日之間瘡尙堅硬用鈹針當頭點破半月餘不作膿腐者用鈹針品字樣三孔開之不知深淺以知痛爲住隨用藥筒拔毒法拔之亦有不宜針者如癭瘤結核之類肚臍骨節近筋之處及冬月閉藏時令皆在所禁

癰疽灸法

癰疽初起七日以前開結拔毒非灸不可瘡不痛者灸至知痛痛者灸至不痛蓋着毒則不痛灸至好肉則痛令火氣至好肉方止也着皮肉未壞處則痛着毒則不痛必灸至不痛者令火氣着毒方止也法以紙蘸水滿覆瘡上着紙先乾處卽先灸之法當早施如証起二三日卽灸十証可全八九四五日灸者十可六七至六七日灸者可全四五灸法不一自一壯至百壯以效爲度至艾壯大小量瘡勢以定之有應忌者腎俞發不宜灸恐消腎液手指不宜灸因皮肉薄恐皮裂肉髻頭爲諸陽之會禁灸若誤灸逼毒入裏令人痰喘氣壅反加大腫若純陰下陷不灸不能回陽

隔蒜灸法

大蒜切成片約三錢厚安瘡頭上用大艾壯灸之三灸卽換一片若漫

腫無頭以濕紙覆其上視先乾處置蒜片灸之若兩三處先乾兩三處齊灸之更有一點白粒如粟四圍紅腫如錢者卽於白粒上灸之若瘡勢大日數多以蒜搗爛鋪瘡上灼艾灸之蒜敗再易以知痛爲度凡癰疽鶴膝風流注每日灸二三十壯陰分証候壯數必多宜先服護心散以防火毒入內灸小兒先將蒜置大人臂上燃艾候蒜溫卽移於小兒毒上其法照前經云寒邪客於經絡則血泣而不行血泣則不通不通則衛氣從而壅遏不得行遂生熱大熱不止則肉腐爲膿蓋毒之本原以內火與外寒相搏故以艾火隔蒜灸之開洩其毒以移深居淺也

螞蟥灸法

疔嬰惡瘡諸藥不驗者取螞蟥剪去兩頭安瘡口上以艾火灸之七壯一易不過七枚無不立效

麥冬粳米飲

治灸後火毒入裏令患者頭項浮腫神昏痰湧汗出作喘急服此飲以
清解火毒

麥門冬

去心

粳米

各三錢水煎服

藥筒拔法

諸疽陰証十五日前後瘡不起發膿至深不能外潰瘡勢堅硬重如負
石毒腫內潰腐及好肉致生煩躁宜用藥筒拔法令毒膿得門路而出
也用法先將竹筒藥水煮熟次用銀針向瘡頭一寸之內品字樣放開
三孔量瘡高下定針之淺深五分至一寸爲止即取竹筒乘熱合於瘡
孔拔去膿血紅黃鮮明者爲順証易治膿血紫黑屬敗証難治

煮竹筒方



羌活

獨活

紫蘇

蘼艾

菖蒲

白芷

甘草各五錢

連鬚葱二兩水十碗熬數開聽用次取鮮嫩竹一段長七寸徑口一寸半一頭留節刮去青皮厚約分許靠節攢一小孔以杉木條塞之放藥水內煮數十開將藥水鍋移置患人榻前取筒傾去藥水乘熱急合瘡口針孔上緊按自然吸住待片時藥筒已溫拔去木塞其筒卽落外用膏藥蓋貼勿令受風如膿尙未盡次日再拔此以治陰疽擠膿不受痛之良法也切勿忽之然陰証可用陽証便不可用

神燈照法

癰疽輕証初起七日前後神燈法最宜能使未成者消已成者自潰不起發者卽起發不腐者卽腐實有奇驗用法將神燈麻油浸透用火點着離瘡半寸許自外而內周圍徐徐照之火頭向上藥氣入內毒氣隨

火解散自不致內侵藏府初用三根漸加至四五根候瘡勢漸消時仍照之照後須用敷藥圍敷瘡根比瘡暈大三二分爲率瘡口以萬應膏貼如乾及有膿用猪蹄湯洗大膿已瀉者不得用

神燈照方

硃砂

雄黃

血竭

沒藥各二錢

麝香四分

共爲細末每用三分紅棉紙裹藥搓成撚長七寸

腫瘍敷貼法

凡腫初起腫高赤痛者宜敷涼藥以寒勝熱也不可太過太過則毒爲寒凝變成陰症如漫腫不紅似有頭而不痛者宜敷溫藥乃引毒外發也經云發表不遠熱敷熱毒亦發表之意凡調敷藥須多攪則藥稠粘敷後貼紙必須撕斷則不崩裂不時將原汁潤之蓋借濕以通竅乾則藥氣不入反添拘急之苦至凡取去敷藥必看毛孔有汗意爲血脉通

熱氣散也反此者逆

潰瘍去腐法

腐壞肉也諸書云腐不去則新不生蓋以腐能浸淫好肉也當速去之
氣實之人取刀割之有神效氣虛避之



內服湯飲門

仙方活命飲

治癰疽潰瘍散瘀消腫化膿生肌

山甲 三大片 炒

皂刺

赤芍

乳香

沒藥 各五分

銀花 二錢

防風 七分

歸尾

陳皮 各錢半

花粉

貝母

白芷

甘草節 各一錢

酒煎服

神授衛生湯

治癰疔發背解毒散熱疎通藏府

大黃 二錢 酒炒

皂刺

當尾

花粉

銀花

草節 各一錢

羌活 八分

防風

白芷

沈香

連翹

石決

炒山甲

炒紅花 各六分 乳香 五分

水煎服病在上部先飲酒後服藥病在下部先服藥後飲酒此方治表裏兩實之証如氣虛便利者慎之大黃尤忌

五香連翹湯

治一切惡核癰疽惡腫發

青木香

沈香

丁香

董陸香

乳香代

真麝香

連翹

升麻

獨活

寄生

通草各二兩

大黃三兩

右十二味水煎內竹瀝二升更煎三五沸服取快利此係孫氏千金方其云大黃三兩竹瀝二升者古人分兩與今不同切勿錯會用者

臨時斟酌

五香湯

治熱毒氣卒腫痛結作核或作癰癤而非使人頭痛寒熱短

氣數日不除傷人

青木香

藿香

乳香

沈香

丁香

右五味各用一兩

古人分兩

水煎服滓傳之千金翼以麝香代藿香

人參敗毒散

治癰瘍已潰挾有風寒



人參

羌活

獨活

柴胡

前胡

川芎

枳殼

桔梗

茯苓各一錢

甘草五分

水煎

荊防敗毒散

治瘡瘍初起宜於發表者毒在上部尤佳

羌活

獨活

前胡

柴胡

人參

甘草人中黃更佳

枳殼

桔梗

茯苓

川芎

炒研牛蒡

薄荷

荊芥各一錢

防風錢半

水煎服能加

黃金汁尤妙並治捻頸病咽喉腫痛暴起証候參可去

陽和湯

專治陰疽

熟地黃一兩

麻黃五分

鹿角膠三錢

白芥子二錢

肉桂一錢

生甘草一錢

炮薑炭五分

不用引此方主

治骨槽風陰疽流注脫骨疽鶴膝風乳巖結核石疽貼骨疽及漫腫

無頭平頭白陷一切陰凝等証麻黃得熟地不發表熟地得麻黃不

凝滯妙用在此

陽和丸 治陰疽

肉桂 一兩

麻黃 五錢

炮薑炭 五錢

共研末灑水爲丸

按此二方乃林屋山人用之以治陰寒諸症累著奇效者方見全生集茲特揭出以備選用

活絡流氣飲 流通血氣開通壅滯

蒼朮

木瓜

羌活

附子

查肉

獨活

牛膝

麻黃 各二錢

麴炒枳殼

黃柏

烏藥

乾薑

檳榔 各錢半

甘草 八分

黑豆 四十九粒

生薑 三片

如上焦熱甚去薑附加胡黃連龍膽草 各二錢

八正散

利水解毒清熱殺蟲

扁蓄

生軍

滑石

瞿麥

甘草

車前

梔子

木通

右藥各等分煎服

乳香黃芪湯

治癰疔發背跌打損傷痛不可忍

當歸

白芍炒

人參

生芪

川芎

熟地

陳皮

生草節各一錢

蜜炙栗壳一錢

乳香

沒藥

各五分

煎服量滄上下分食前後服

清熱消風散

治癰腫掀痛用此和解

皂刺

陳皮

連軹

柴胡

黃芪

蒼朮

紅花

各一錢

防風

花粉

黃芩

川芎

白芍

當歸

銀花

甘草各五分

煎服

婦人加童便炒香附一錢

